

四庫全書薈要

• 乾隆御覽本

子部

黃帝內經素問卷十六

唐王冰次注

宋林億等校正

骨空論

水熱穴論

骨空論篇第六十

新校正云按全元起本在第二卷自灸寒熱之法已下在第六卷刺齊篇末

黃帝問曰余聞風者百病之始也以鍼治之柰何

始初也

岐伯對曰風從外入令人振寒汗出頭痛身重惡寒

風中

身形則腠理閉密陽氣內拒寒復外勝勝拒相薄榮衛失所故如是治在風府風府穴也在項上入

髮際同身寸之一寸宛宛中督脉足太陽之會刺可入同身寸之四分若灸者可灸五壯新校正云按風府

注氣穴論氣府論中各已注與甲乙經同此注云督脉足太陽之會可灸五壯者乃是風門熱府穴也當云督

脉陽維之會留三調其陰陽不足則補有餘則寫用鍼之道

必法天常盛寫大風頸項痛刺風府風府在上椎上椎謂大

虛補此其常也大風汗出灸譙譙譙譙在背下俠脊傍

三寸所厭之令病者呼譙譙譙應手譙譙穴也在肩

椎下兩傍各同身寸之三寸以手厭之令病人呼譙譙之聲則指下動矣足太陽脉氣所發刺可入同身寸之

六分留七呼若灸者可灸

從風憎風刺眉頭

謂攢竹穴也在眉頭

陷者中脉動應手足太陽脉氣所發刺可入同身寸之三分若灸者可灸三壯

失枕在肩上橫

骨間

謂缺盆穴也在肩上橫骨陷者中手陽明脉氣所發刺可入同身寸之二分留七呼若灸者可灸三

壯刺入深令人逆息明此云手陽明詳二經

新校正云按氣府注作足陽明此云手陽明詳二經俱發於此故王注兩言之

折

使榆臂齊肘正灸脊中

榆讀為搖搖謂搖動也然失枕非獨取肩上橫骨間乃當正形

灸脊中也欲而驗之則使搖動其臂屈折其肘自項之下橫齊肘端當其中間則其處也是曰陽關在第十六椎節下間督脉氣所發刺可入同身寸之五分若灸者可灸三壯

新校正云詳陽關穴甲乙經無

眇絡

季脇引少腹而痛脹刺譙譙

眇謂俠脊兩傍空軟處也少腹齊下也

腰痛

不可以轉搖急引陰卵刺八髎與痛上八髎在腰尻分

間八或為九驗真骨及中腧孔穴經止有八髎無九髎也分謂腰尻筋肉分間陷下處鼠痿寒熱

還刺寒府寒府在附膝外解營膝外骨間也屈伸之處寒氣喜中故名寒府也

解謂骨解營謂深刺而必中其營也取膝上外者使之拜取足心者使之

跪拜而取者使膝穴空開也跪而取之者令足心宛宛處深定也任脉者起於中極之

下以上毛際循腹裏上關元至咽喉上頤循面入目新校

正云按難經甲乙經無上頤循面入目六字衝脉者起於氣街並少陰之經

新校正云按難經甲乙經作陽明俠齊上行至胷中而散任脉衝脉皆奇經也任脉

當齊中而上行衝脉俠齊兩傍而上行然中極者謂齊下同身寸之四寸也言中極之下者言中極從少腹之內上行而外出於毛際而上非謂本起於此也關元者謂齊下同身寸之三寸也氣街者穴名也在毛際兩傍鼠臕上同身寸之一寸也言衝脉起於氣街者亦從少腹之內與任脉並行而至於足是乃循腹也何以言之鍼經曰衝脉者十二經之海與少陰之絡起於腎下出於氣街又曰衝脉任脉者皆起於胞中上循脊裏為經絡之海其浮而外者循腹各行會於咽喉別而絡唇口血氣盛則皮膚熱血獨盛則滲灌皮膚生毫毛由此言之則任脉衝脉從少腹之內上行至中極之下氣街之內明矣

新校正云按氣街與氣府論刺熱篇水熱穴篇刺禁論等注重文雖不同

任脉為病男子內結七疝女

子帶下瘕聚衝脉為病逆氣裏急督脉為病脊強反折

督脉亦奇經也然任脉衝脉督脉者一源而三歧也故經或謂衝脉為督脉也何以明之今甲乙及古經脉流注圖經以任脉循背者謂之督脉自少腹直上者謂之任脉亦謂之督脉是則以背腹陰陽別為名目爾以任脉自胞上過帶脉貫齊而上故男子為病內結七疝女子為病則帶下瘕聚也以衝脉俠齊而上並少陰之經上至胃中故衝脉為病則逆氣裏急也以督脉上循脊裏故督脉為病則脊強反折也

督脉者起

於少腹以下骨中央女子入繫廷孔

起非初起亦猶任脉衝脉起於胞中

也其實乃起於腎下至於少腹則下行於腰橫骨圍之中央也繫廷孔者謂竅漏近所謂前陰穴也以其陰廷繫屬中其孔溺孔之端也孔則竅漏也竅漏之中其上有溺孔焉端謂陰廷在此溺孔之一端也而督脉自骨圍中則至於是

其絡循陰器合篡間繞篡後

督脉別絡自溺孔之端分而各行下循陰器乃合篡間也所謂間者謂在前陰後陰之兩間也自兩間之後已復分而行別繞臀至少陰與巨陽中絡者合少陰上股

內後廉貫脊屬腎

別謂別絡分而各行之於焦也足少陰之絡者自股內後廉貫脊屬腎足

太陽絡之外行者循髀樞絡股陽而下其中行者下貫腎至臍中與外行絡合故言至少陰與巨陽中絡合少陰上股內後廉貫脊屬腎也

校正云詳各行於焦疑焦字誤

新

與太陽起於目內眥

上額交巔上入絡腦還出別下項循肩髃內俠脊抵腰

中入循脊絡腎

接繞髀而上行也

其男子循莖下至篡與女子

等其少腹直上者貫齊中央上貫心入喉上頤環脣上

繫兩目之下中央

自與太陽起於目內眥下至女子等並督脉之別絡也其直行者自足上

循脊裏而至於鼻孔也自其少腹直上至兩目之下中央並任脉之行而云是督脉所繫由此言之則任脉衝

脉督脉名異而同體也

此生病從小腹上衝心而痛不得前後為

衝疝

尋此生病正是任脉經云為衝疝者正明督脉以別主而異目也何者若一脉一氣而無陰陽之異

主則此生病者當心背俱痛宜獨衝心而為疝乎

其女子不孕瘥痔遺溺噎乾

亦以衝脉任脉並自少腹上至於咽喉又以督脉循陰器合纂間繞纂後別繞鬲故不孕瘥痔遺溺噎乾也所

以謂之任脉者女子得之以任養也故經云此病其女子不孕也所以謂之衝脉者以其氣上衝也故經云此

生病從小腹上衝心而痛也所以謂之督脉者以其督領經脉之海也由此三用故一源三歧經或通呼似相

下文曰督脉生病治督脉治在骨上甚者在齊下營

此亦

正任脉之分也衝任督三脉異名同體亦明矣骨上謂腰橫骨上髀際中曲骨穴也任脉足厥陰之會刺可入同身寸之一寸半若灸者可灸三壯齊下謂齊直下同身寸之一寸陰交穴任脉陰衝之會刺可入同身寸之八分若灸者可灸五壯

其上氣有音者治其喉中央在缺盆中者

中謂缺盆兩間之中天突穴在頸結喉下同身寸之四寸中央宛宛中陰維任脉之會低鉞取之刺可入同身寸之一寸留七呼若灸者可灸三壯

其病上衝喉者治其漸漸者上俠頤

也陽明之脉漸上頤而環唇故以俠頤名為漸也是謂大迎大迎在曲頤前骨同身寸之一寸三分陷中動

脉足陽明脉氣所發刺可入同身寸之三

分留七呼若灸者可灸三壯

蹇膝伸不屈治其

捷捷謂膝痛屈伸寒難也捷謂髀輔骨上橫坐而膝

痛治其機機骨兩傍相接處立而暑解治其骸關暑熱也若膝痛立而膝骨

解中熱者治其骸關骸關謂膝解也一經云起而引解言膝痛起立痛引膝骨解之中也暑引二字其義則異

起立二字其意頗同膝痛痛及拇指治其臑臑謂膝解之後曲脚

之脉動應手足太陽脉之所入刺可入同身寸之五分留七呼若灸者可灸三壯坐而膝痛如

物隱者治其關關在臑上當捷之後背膝痛不可屈伸

治其背內謂大杼穴也所在灸連髻若折治陽明中俞

膠若膝痛不可屈伸連髻痛如折者則鍼若別治巨陽

少陰榮

若痛而膝如別離者則治足太陽少陰之榮也足太陽榮通谷也在足小指外側本節前陷者

中刺可入同身寸之二分留五呼若灸者可灸三壯足少陰榮然谷也在足內踝前起大骨下陷者中刺可入

同身寸之三分留三淫瀝脛痠不能久立治少陽之維

呼若灸者可灸三壯

在外上五寸

淫瀝謂似

新校正云按甲乙經外踝上五寸乃足少陽之絡此云維者字之誤也

酸痛而無力也三寸一云四寸中腧圖經外踝上四寸無穴五寸是光明穴也足少陽之絡刺可入同身寸之

七分留十呼若灸者可灸五壯

新校正云按甲乙經云刺入六分留七呼

輔骨上橫骨下

為捷俠髌為機膝解為骸關俠膝之骨為連骸骸下為

輔輔上為脰脰上為關頭橫骨為枕

由是則謂膝輔骨上腰髌骨下為機

捷上為機膝外為骸關捷後為關關下為胭胭下為輔骨輔骨上為連骸連骸者是骸骨相連接處也頭上之

橫骨為枕骨

水俞五十七穴者尻上五行行五伏菟上兩行

行五左右各一行行五踝上各一行行六穴

所在刺灸分壯具水

熱穴論中此皆是骨空故氣穴篇內與此重言爾

髓空在腦後三分在顙際銳

骨之下

是謂風府通腦中也

一在斷基下

當頤下骨陷中有穴容豆中詰名下頤

一

在項後中復骨下

謂瘡門穴也在項髮際宛宛中入系古本督脉陽維之會仰頭取之刺可

入同身寸之四分禁不可灸

一在脊骨上空在風府上

上謂腦戶穴也在枕骨上

大羽後同身寸之一寸五分宛宛中督脉足太陽之會此別腦之戶不可妄灸灸之不幸令人瘡刺可入同身

寸之三分留三呼
新校正云按甲乙經大羽者強間之別名氣府注云若灸者可灸五壯
脊骨下

空在尻骨下空
乙不應主療經關其名新校正云按甲乙經長強在脊骹端正

云不應主療經關其名得非誤乎
數髓空在面俠鼻
謂顙髁等穴經一指陳其處小小

者**或骨空在口下當兩肩**
謂大迎穴也所在刺灸分壯與前俠頤同法
兩髀

骨空在髀中之陽
近肩髃穴經無名
臂骨空在臂陽去踝四寸

兩骨空之間
在支溝上同身寸之一寸是謂通間新校正云按甲乙經支溝上一寸名三陽絡

通間豈其別名歟
股骨上空在股陽出上膝四寸
在陰市上伏菟穴下在承

也**髀骨空在輔骨之上端**
謂積鼻穴也在膝髌下髀骨上俠解大筋中足陽明脉氣

所發刺可入同身寸之六
分若灸者可灸三壯耳

股際骨空在毛中動下

經關其名

尻骨空在髀骨之後相去四寸

是謂尻骨八膠穴也

扁骨有滲理

湊無髓孔易髓無空

扁骨謂尻間扁戾骨也其骨上有滲灌文理歸湊之無別髓孔也易

亦也骨有孔則髓有孔骨若無孔髓亦無孔也

灸寒熱之法先灸項大椎以年

為壯數

如患人之年數也

次灸掖骨以年為壯數

尾窮謂之掖骨

視背

俞陷者灸之

背脾骨際有陷處也

舉臂肩上陷者灸之

肩髃穴也在肩端而

骨間手陽明踴脉之會刺可入同身寸之六分留六呼若灸者可灸三壯

兩季脇之間灸之

京門穴腎募也在膀胱與腰中季脇本快脊刺可入同身寸之三分留七呼若灸者可灸三壯

外踝上

絕骨之端灸之

陽輔穴也在足外踝上輔骨前絕骨之端如前同身寸之三分所去丘虛七寸

足少陽脉之所行也刺可入同身寸之五分留七呼若灸者可灸三壯

新校正云按甲乙經云在外踝上四

寸 足小指次指間灸之

俠谿穴也在足小指次指歧骨間本節前陷者中足少陽脉之

所流也刺可入同身寸之三分留三呼若灸者

新校正云按甲乙經流當作留字 腓下陷

脉灸之

承筋穴也在腓中央陷者中足太陽脉氣所發也禁不可刺若灸者可灸三壯

新校正云按

刺腰痛篇注云腓中央如外陷者中

外踝後灸之

崑崙穴也在足外踝後跟骨上陷者中細脉動

應手足太陽脉之所行也刺可入同身寸之五分留十呼若灸者可灸三壯

缺盆骨上切之

堅痛如筋者灸之

經闕其名當隨其所有而灸之

膺中陷骨間灸之

天突

穴也所在灸刺分壯
與前缺盆中者同法

掌束骨下灸之

陽池穴也在手表腕上陷者中手少

陽脉之所過也刺可入同身寸之
二分留六呼若灸者可灸三壯

齊下關元三寸灸之

正在齊下同身寸之三寸也足三陰任脉之會刺可入
同身寸之二寸留七呼若灸者可灸七壯

新校正云

按氣府注云刺可
八一寸二分者非

毛際動脉灸之

以脉動應手為處即氣街穴也

膝下

三寸分間灸之

三里穴也在膝下同身寸之三寸胛骨外廉兩筋內分間足陽明脉之所入也

刺可入同身寸之三寸留
七呼若灸者可灸三壯

足陽明跗上動脉灸之

陽衝

穴也在足跗上同身寸之五寸骨間動脉足陽明脉之
所過也刺可入同身寸之三寸留十呼若灸者可灸三

壯
新校正云按甲乙經及金元起本足陽明下育灸之二字并跗上動脉是二穴今王氏去灸之二字則是

一穴今於注中却存灸之二字以闕疑之

巔上一灸之

百會穴也在巔中央旋毛中陷容指督脉

足太陽脉之交會刺可入同身寸之三分若灸者可灸五壯

犬所嚙之處灸之三壯

即以犬傷病法灸之

犬傷而發寒熱者即以犬傷法三壯灸之

凡當灸二十

九處傷食灸之

陽食為病亦發寒熱故灸詳足陽明不別灸則有二十八處氣王

新校正云

氏去上文灸之二字者非

不已者必視其經之過於陽者數刺其俞

而藥之

水熱穴論篇第六十一

新校正云按金元起本在第八卷

黃帝問曰少陰何以主腎腎何以主水岐伯對曰腎者

至陰也至陰者盛水也肺者太陰也少陰者冬脉也故

其本在腎其末在肺皆積水也

陰者謂寒也冬月至寒腎氣合應故云腎者至

陰也水王於冬故云至陰者盛水也腎少陰脉從腎上貫肝鬲入肺中故云其本在腎其末在肺也腎氣上逆則水氣客於肺中故云皆積水也帝曰腎何以能聚水而生病歧伯曰

腎者胃之關也關門不利故聚水而從其類也

關者所以司出

入也腎主下焦膀胱為府主其分注開竅二陰故腎氣化則二陰通二陰通則胃填滿故云腎者胃之關也關閉則水積水積則氣停氣停則水生水生水則氣溢氣水同類故云關門不利聚水而從其類也靈樞經曰下焦溢為水此上下溢於皮膚故為跗腫跗腫者聚水而生之謂也

病也

上謂肺下謂腎肺腎俱溢故聚水於腹中而生病也

帝曰諸水皆生於腎乎

岐伯曰腎者牝藏也

牝陰也亦主陰位故云牝藏

地氣上者屬於腎

而生水液也故曰至陰勇而勞甚則腎汗出腎汗出逢

於風內不得入於藏府外不得越於皮膚客於玄府行

於皮裏傳為胛腫本之於腎名曰風水

勇而勞甚謂力房也勞勇汗患

則玄府開汗出逢風則玄府復閉玄府閉已則餘汗未出內伏皮膚傳化為水從風而水故名風水

所謂

玄府者汗空也

汗液色玄從空而出以汗聚於裏故謂之玄府府聚也

帝曰水俞

五十七處者是何主也岐伯曰腎俞五十七穴積陰之

所聚也水所從出入也尻上五行行五者此腎俞

背俞部

凡有五行當其中者督脉氣所發
次而傍四行皆足大陽脉氣也

故水病下為跗腫大

腹上為喘呼

水下居於腎則腹至足而跗腫上入於肺則喘息責急而大呼也

不得卧

者標本俱病

標本者肺為標腎為本如

故肺為喘呼腎

為水腫肺為逆不得卧

肺為喘呼氣逆不得卧者以其主呼吸故也腎為水腫者以其

主水分為相輸俱受者水氣之所留也

分其居處以名之則是氣相輸

應本其俱受病氣則皆是水所留也

伏菟上各二行行五者此腎之街也

街謂道也腹部正俞凡有五行俠齊兩傍則腎藏足少陰脉及衝脉氣所發次兩傍則胃府足陽明脉氣所發

此四行穴則伏
菟之上也

三陰之所交結於脚也踝上各一行行六

者此腎脉之下行也名曰太衝

腎脉與衝脉並下行循足合而盛大故曰太衝

凡五十七穴者皆藏之陰絡水之所客也

經所謂五十
七者然尻上

五行行五則背脊當中行督脉氣所發者脊中懸樞命
門腰俞長強當其處也次俠督脉兩傍足太陽脉氣所

發者有大腸俞小腸俞膀胱俞中脘內俞白環俞當其
處也又次外俠兩傍足太陽脉氣所發者有胃倉育門

志室胞育秩邊當其處也伏菟上各二行行五者腹
正俞俠中行任脉兩傍衝脉足少陰之會者有中注四

滿氣穴大赫橫骨當其處也次俠衝脉足少陰兩傍足
陽明脉氣所發者有外陵大巨水道歸來氣衝當其處

也踝上各一行行六者足內踝之上有足少陰陰踳脉
並循脇上行足少陰脉有太衝復溜陰谷三穴陰踳脉

有照海交信渠賓三穴陰陽既足少陰脉之別亦可通
而主之兼此數之猶少一穴脊中在第十一椎節下間
使而取之刺可入同身寸之五分不可灸令人僂懸樞
在第十三椎節下間伏而取之刺可入同身寸之三分
若灸者可灸三壯命門在第十四椎節下間伏而取之
刺可入同身寸之五分若灸者可灸三壯腰俞在第二
十一椎節下間刺可入同身寸之二分新校正云按
甲乙經及經刺論注并熱穴注俱云刺入二寸而刺熱
注氣府注并此注作二分宜從二分之說留七呼若
灸者可灸三壯長強在脊骹端督脉別絡少陰所結刺
可入同身寸之二分留七呼若灸者可灸三壯此五穴
者並督脉氣所發也新校正云詳王氏云少一穴按
氣府論注十二椎節下有陽關一穴若通數陽關則不
少矣次俠督脉兩傍大腸俞在第十六椎下俠督脉
兩傍去督脉各同身寸之一寸半刺可入同身寸之三
分留六呼若灸者可灸三壯小腸俞在第十八椎下兩

傍相去及刺灸分壯法如大腸俞膀胱俞在第十九椎
下兩傍相去及刺灸分壯法如大腸俞中脘內俞在第
二十椎下兩傍相去及刺灸分壯法如大腸俞俠脊
肺起內留十呼白環俞在第二十一椎下兩傍相去如
大腸俞伏而取之刺可入同身寸之五分若灸者可灸
三壯新校正云按甲乙經云刺可入八分不可灸此
五穴者並足太陽脉氣所發所謂腎俞者則此也又次
外兩傍胃倉在第十二椎下兩傍相去各同身寸之三
寸刺可入同身寸之五分若灸者可灸三壯肓門在第
十三椎下兩傍相去及刺灸分壯法如胃倉志室在第
十四椎下兩傍相去及刺灸分壯法如胃倉正坐取之
胞育在第十九椎下兩傍相去及刺灸分壯法如胃倉
伏而取之袂邊在第二十一椎下兩傍相去及刺灸分
壯法如胃倉伏而取之此五穴者並足太陽脉氣所發
也次伏菟上兩行中注在齊下同身寸之五分兩傍相
去任脉各同身寸之五分新校正云按甲乙經同氣

府注云俠中行方一寸文異而義同 四滿在中注下
同身寸之一寸氣穴在四滿下同身寸之一寸大赫在
氣穴下同身寸之一寸橫骨在大赫下同身寸之一寸
各橫相去同身寸之一寸並衝脉足少陰之會刺可入
同身寸之一寸若灸者可灸五壯次外兩傍穴外陵在
齊下同身寸之一寸 新校正云按氣府論注云外陵在
在天樞下一寸與此正同 兩傍去衝脉各同身寸之
一寸半大巨在外陵下同身寸之一寸水道在大巨下
同身寸之三寸歸來在水道下同身寸之三寸氣街在
歸來下 新校正云按氣府注刺熱注熱穴注云在腹
齊下橫骨兩端鼠臑上一寸刺禁注云在腹下俠齊兩
傍相去四寸鼠臑上一寸動脉應手骨空注云在毛際
兩傍鼠臑下諸注不同今備錄之 鼠臑上同身寸之
一寸各橫相去同身寸之二寸此五穴者並足陽明脉
氣所發水道刺可入同身寸之二寸半若灸者可灸五
壯氣街刺可入同身寸之三分留七呼若灸者可灸三

壯餘三穴並刺可入同身寸之八分若灸者並可五壯所謂腎之街者則此也踝上各一行行六者太鍾在足

內踝後街中新校正云按甲乙經云跟後街中刺瘧注刺腰痛注作跟後街中動脈此云內踝後此注非

足少陰絡別走太陽者刺可入同身寸之二分留三呼若灸者可灸三壯復溜在內踝上同身寸之二寸陷者

中足少陰脈之所行也刺可入同身寸之三分留三呼若灸者可灸五壯照海在內踝下刺可入同身寸之四

分留六呼若灸者可灸三壯交信在內踝上同身寸之二寸少陰前太陰後筋骨間陰陽之郄刺可入同身寸

之四分留五呼若灸者可灸三壯築賓在內踝上臑分中陰維之郄刺可入同身寸之三分若灸者可灸五壯

陰谷在膝下內輔骨之後大筋之下小筋之上按之應手屈膝而得之足少陰脈之所入也刺可入同身寸之

四分若灸者可灸三壯所謂腎帝曰春取絡脉分肉何脉之下行名曰太衝者則此也

也岐伯曰春者木始治肝氣始生肝氣急其風疾經脉

常深其氣少不能深入故取絡脉分肉間帝曰夏取盛

經分腠何也岐伯曰夏者火始治心氣始長脉瘦氣弱

陽氣留溢

新校正云按別本留一作流

熱熏分腠內至於經故取盛

經分腠絕膚而病去者邪居淺也

絕謂絕破令病得出也

所謂盛

經者陽脉也帝曰秋取經俞何也岐伯曰秋者金始治

肺將收殺

三陰已升故漸將收殺

金將勝火陽氣在合

金王火衰故云金將

勝火陰氣初勝濕氣及體

以漸於兩濕霧露故云濕氣及體

陰氣未盛未

能深入故取俞以寫陰邪取合以虛陽邪陽氣始衰故

取於合

新校正云按皇甫士安云是謂始秋之治變

帝曰冬取井榮何也歧

伯曰冬者水始治腎方閉陽氣衰少陰氣堅盛巨陽伏

沈陽脉乃去

去謂下去

故取井以下陰逆取榮以實陽氣

新校

正云按全元起本實作達甲乙經千金方作通

故曰冬取井榮春不取

新校正云

按皇甫士安云是謂末冬之治變

此之謂也

新校正云按此與四時刺逆從論及診要經終論義

頗不同與九卷之義相通

帝曰夫子言治熱病五十九俞余論其意

未能領別其處願聞其處因聞其意歧伯曰頭上五行

行五者以越諸陽之熱逆也

星頭上五行者當中行謂上

兩傍謂五處承光通天絡却玉枕又次兩傍謂臨泣目

憲正營承靈腦空也上星在顙上直鼻中央入髮際同

身寸之一寸陷者中容豆刺可入同身寸之三分顙會

在上星後同身寸之一寸陷者中刺可入同身寸之四

分前頂在顙會後同身寸之一寸五分骨間陷者中刺

如顙會法百會在前頂後同身寸之一寸五分頂中央

旋毛中陷容指督脉足太陽脉之交會刺如上星法後

頂在百會後同身寸之二寸五分枕骨上刺如顙會法

然是五者皆督脉氣所發也上星留六呼若灸者並可

灸五壯次兩傍穴五處在上星兩傍同身寸之一寸五

分承光在五處後同身寸之一寸通天後同身寸之一寸五分玉

枕在絡却後同身寸之七分然是五者並足太陽脉氣

所發刺可入同身寸之三分五處通天各留七呼絡却

留五呼玉枕留三呼若灸者可灸三壯 新校正云按
甲乙經承光不灸玉枕刺入二分 又次兩傍臨泣在頭

直目上入髮際同身寸之五分足太陽少陽陽維三脉
之會目窻正營遮相去同身寸之一寸承靈腦空遮相
去同身寸之一寸五分然是五者並足少陽陽維二脉
之會腦空一穴刺可入同身寸之四分餘並可刺入同
身寸之三分臨泣留七 大杼膺俞缺盆背俞此八者以
呼若灸者可灸五壯

寫胃中之熱也

大杼在項第一椎下兩傍相去各同身
寸之一寸半陷者中督脉別絡手足太

陽三脉氣之會刺可入同身寸之三分留七呼若灸者
可灸五壯 新校正云按甲乙經并氣穴注作七壯刺

瘥注刺熱注作五壯 膺俞者膺中之俞也正名中府
在胷中行兩傍相去同身寸之六寸雲門下一寸乳上
三肋間動脉應手陷者中仰而取之手足太陰脉之會
刺可入同身寸之三分留五呼若灸者可灸五壯缺盆

在肩上橫骨陷者中手陽明脉氣所發刺可入同身寸之二分留七呼若灸者可灸三壯背俞即風門熱府俞也在第二椎下兩傍各同身寸之一寸三分督脉足太陽之會刺可入同身寸之五分留七呼若灸者可灸五壯今中腧孔穴圖經雖不名之既曰風門熱府即治熱之背俞也 新校正云按王氏注刺熱論云背俞未詳何處注此指名風門熱府注氣穴論以大

氣街三里巨

虛上下廉此八者以寫胃中之熱也

氣街在腹齊下橫骨兩端鼠蹊上同

身寸之一寸動脉應手足陽明脉氣所發刺可入同身寸之三分留七呼若灸者可灸三壯 新校正云按氣

街諸注不同具前水穴注中三里在膝下同身寸之三寸肱外廉兩筋肉分間足陽明脉之所入也刺可入同身寸之一寸留七呼若灸者可灸三壯巨虛上廉足陽明與大腸合在三里下同身寸之三寸足陽明脉氣

所發刺可入同身寸之八分若灸者可灸三壯巨虛下廉足陽明與小腸合在上廉下同身寸之三寸足陽明脉氣所發刺可入同身寸之三壯也

雲門髃骨委中髓空此八者

以寫四支之熱也

雲門在巨骨下胷中行兩傍相去同身寸之六寸動脉應手足太陰脉氣

所發

新校正云

按甲乙經同氣穴注作手太陰刺熱

注亦作手太陰

舉臂取之

刺可入同身寸之七分若

灸者可灸五壯驗今中腧孔穴圖經無髃骨穴有肩髃穴穴在肩端兩骨間手陽明躡脉之會刺可入同身寸

之六分留六呼若灸者可灸三壯委中在足膝後屈處

腘中央約文中動脉足太陽脉之所入也刺可入同身

寸之五分留七呼若灸者可灸三壯按今中腧孔穴圖

經云腰俞穴一名髓空在脊中第二十一椎節下主汗

不出足清不仁督脉氣所發也刺可入同身寸之二寸

留七呼若灸者可灸三壯

新校正云詳腰俞刺入二

寸當作二分已具前水穴注中五藏俞傍五此十者以寫五藏之熱也

俞傍五者謂魄戶神堂魂門意舍志室五穴俠脊兩傍各相去同身寸之三寸並足太陽脉氣所發也魄戶在

第三椎下兩傍正坐取之刺可入同身寸之五分若灸者可灸五壯神堂在第五椎下兩傍刺可入同身寸之

三分若灸者可灸五壯魂門在第九椎下兩傍正坐取之刺可入同身寸之五分若灸者可灸三壯意舍在第十

一椎下兩傍正坐取之刺可入同身寸之五分若灸者可灸三壯志室在第十四椎下兩傍正坐取之刺可

入同身寸之五分若灸者可灸五壯也凡此五十九穴者皆熱之左右也

帝曰人傷於寒而傳為熱何也岐伯曰夫寒盛則生熱

也寒氣外凝陽氣內鬱腠理堅緻玄府閉封緻則氣不宣通封則濕氣內結中外相薄寒盛熱生故人傷於

寒轉而為熱汗之而愈則外凝內
鬱之理可知斯乃新病數日者也

黃帝內經素問卷十六

黃帝內經素問卷十六音釋

骨空論膊

音博捷

音健嚙

若結切

水熱穴論菟

音兔闕

音祕

溜力救

切

鼃

音奚綴

馳二切

黃帝內經素問卷十六音釋

黃帝內經素問卷十七

唐王冰次注

宋林億等校正

調經論篇第六十二

新校正云按全元起本在第一卷

黃帝問曰余聞刺法言有餘寫之不足補之何謂有餘何謂不足岐伯對曰有餘有五不足亦有五帝欲何問帝曰願盡聞之岐伯曰神有餘有不足氣有餘有不足

血有餘有不足形有餘有不足志有餘有不足凡此十

者其氣不等也

神屬心氣屬肺血屬肝形屬脾志屬腎以各有所宗故不等也

帝曰人

有精氣津液四支九竅五藏十六部三百六十五節乃

生百病百病之生皆有虛實今夫子乃言有餘有五不

足亦有五何以生之乎

鍼經曰兩神相薄合而成形常先身生是謂精上焦開發宣五

穀味熏膚充身澤毛若霧露之溉是謂氣腠理發泄汗出湊理是謂津津之滲於空竅留而不行者為液也十

六部者謂手足二九竅九五藏五合為十六部也三百六十五節者非謂骨節是神氣出入之處也鍼經曰所

謂節之交三百六十五會皆神氣出入遊行之所非骨節也言人身所有則多所舉則少病生之數何以論之

岐伯曰皆生於五藏也

謂五神藏也

夫心藏神肺藏氣肝藏

血脾藏肉腎藏志而此成形

言所以病皆生於五藏者何哉以內藏五神而成形

也

志意通內連骨髓而成身形五藏

志意者通言五神之大凡也骨髓者

通言表裏之成化也言五神通泰骨髓化成身形既立乃五藏互相為有矣

新校正云按甲乙經無五藏二字

五藏之道皆出於經隧以行血氣血氣不和百病乃

變化而生是故守經隧焉

經隧道也經脉伏行而不見故謂之經隧焉血氣者人之

神邪侵之則血氣不正血氣不正故變化而百病乃生矣然經脉者所以決死生處百病調虛實故守經隧焉

新校正云按甲乙經經隧作經渠義各通

帝曰神有餘不足何如岐伯曰

神有餘則笑不休神不足則悲

心之藏也。鍼經曰：心藏脈，脈舍神。心氣虛則悲。

實則笑不休也。悲一為憂，誤也。

新校正云：詳王注云：悲一為憂，誤也。按甲乙經及太素并全元起注本並作

憂。皇甫士安云：心虛則悲，悲則憂。心實則笑，笑則喜。夫

心之與肺脾之與心互相成也。故喜發於心而成於肺，

思發於脾而成於心。一過其節則二藏俱傷。楊上善云：脾之憂在心變動也。肺之憂在肺之志是則肺主秋憂

為正也。心主於夏變而生憂也。血氣未并，五藏安定，邪客於形，洒淅起

於毫毛，未入於經絡也。故命曰神之微。

并謂并合也。未與邪合，故曰未

并也。洒淅，寒貌也。始起於毫毛，尚在於小絡。神之微，病故命曰神之微也。新校正云：按甲乙經洒淅作悽厥。

太素作泣。泣，楊上善云：泣，毛孔也。水逆流，曰泣。謂邪氣入於腠理，如水逆流於血。

帝曰：補寫柰

何岐伯曰神有餘則寫其小絡之血出血勿之深斥無

中其大經神氣乃平

邪入小絡故可寫其小絡之脉出其血勿深推鍼鍼深則傷肉也以

邪居小絡故不欲令鍼中大經也絡血既出神氣自平斥推也小絡孫絡也鍼經曰經脉為裏支而橫者為絡

絡之別者為孫絡平謂平調也新校正云詳此注引鍼經曰與三部九候論注兩引之在彼云靈樞而此曰

鍼經則王氏之意指靈樞為鍼經也按今素問注中引鍼經者多靈樞之文但以靈樞今不全故未得盡知也

神不足者視其虛絡按而致之刺而利之無出其血無

泄其氣以通其經神氣乃平

但通經脉令其和利抑按虛絡令其氣致以神不足

故不欲出血及泄氣也正云按甲乙經按作切利作和

新校

帝曰刺微柰何

覆前初起於毫

毛未入於經絡者

岐伯曰按摩勿釋著鍼勿斥移氣於不足神

氣乃得復

按摩其病處手不釋散著鍼於病處亦不推之使其人神氣內朝於鍼移其人神氣令自

充足則微病自去神氣乃得復常新校正云按摩乙經及太素云移氣於足無不字楊上善云按摩使氣至

於踵也

帝曰善氣有餘不足奈何岐伯曰氣有餘則喘欬上

氣不足則息利少氣

肺之藏也肺藏氣息不利則喘鍼經曰肺氣虛則鼻息利少氣實則

喘鳴胃惡仰息也

血氣未并五藏安定皮膚微病命曰白氣微

泄肺合脾其色白故皮膚微病命曰白氣微泄

帝曰補寫奈何岐伯曰氣有

餘則寫其經隧無傷其經無出其血無泄其氣不足則

補其經隧無出其氣

氣謂榮氣也。鍼寫若陽其經則血出而榮氣泄脫故不欲出血泄氣

但寫其衛氣而已。鍼補則又宜謹閉穴俞然其衛氣亦不欲泄之。新校正云按楊上善云經隧者手太陰之

別從手太陰走手陽明乃是手太陰向手陽明之道欲道藏府陰陽故補寫皆從正經別走之絡寫其陰經別

走之路不得傷其正經也。帝曰刺微柰何。

覆前白氣微泄者。

岐伯曰按摩勿

釋出鍼視之曰我將深之適人必革精氣自伏邪氣散

亂無所休息氣泄腠理真氣乃相得

亦謂按摩其病處也。革皮也。我將深

之適人必革者謂其深而淺刺之也。如是脇從則人懷懼色故精氣潛伏也。以其調適於皮精氣潛伏邪無所據故亂散而無所休息發泄於腠理也。邪氣既泄真氣乃與皮腠相得矣。新校正云按楊上善云革改之夫

人聞樂至則身心忻悅聞痛及體情必改異忻悅則百體俱縱改革則情志必拒拒則邪氣消伏

帝曰

善血有餘不足奈何岐伯曰血有餘則怒不足則恐

肝

藏也鍼經曰肝藏血肝氣虛則恐實則怒

新校

血氣

正云按全元起本恐作悲甲乙經及太素並同

未并五藏安定孫絡水溢則經有留血

絡有邪盛則入於經故云孫絡

水溢則經有留血

帝曰補寫奈何岐伯曰血有餘則寫其盛經

出其血不足則視其虛經內鍼其脉中久留而視

新校正云

按甲乙經云久留之血至太素同

脉大疾出其鍼無令血泄

脉盛滿則血有餘故

出之經氣虛則血不足故無令血泄也久留疾出是謂補之鍼解論曰徐而疾則實義與此同

帝曰刺

留血柰何岐伯曰視其血絡刺出其血無令惡血得入

於經以成其疾

血絡滿者刺按出之則惡色之血不得入於經脉

帝曰善形有

餘不足柰何岐伯曰形有餘則腹脹溼洩不利不足則

四支不用

脾之藏也鍼經曰脾氣虛則四支不用五藏不安實則腹脹溼洩不利溼大便溲小便也

新校正云按楊上善云溼作經婦人月經也

血氣未并五藏安定肌肉蠕動

命曰微風

邪薄肉分衛氣不通陽氣內鼓故肉蠕動新校正云按全元起本及甲乙經蠕作溢太

濡素作

帝曰補寫柰何岐伯曰形有餘則寫其陽經不足

則補其陽絡

並胃之經絡

帝曰刺微柰何岐伯曰取分肉間

無中其經無傷其絡衛氣得復邪氣乃索

衛氣者所以

皮膚肥腠理而同開闔故肉蠕動即取分肉間但開肉分以出其邪故無中其經無傷其絡衛氣復舊而邪氣

盡索散盡也

帝曰善志有餘不足柰何岐伯曰志有餘則腹

脹飧泄不足則厥

腎之藏也鍼經曰腎藏精精舍志腎氣虛則厥實則脹脹謂脹起厥謂逆

行上衝也足少陰脉下行令氣不足故隨衝脉逆行而上衝也

血氣未并五藏安定骨

節有動

腎合骨故骨有邪薄則骨節鼓動或骨節之中如有物鼓動之也

帝曰補寫柰

何岐伯曰志有餘則寫然筋血者

新校正云按甲乙經及太素云寫然筋血

者出其血楊上善云然筋當是然谷下筋再詳諸處引然谷者多云然骨之前血者疑少骨之二字前字誤作

筋不足則補其復溜

然謂然谷足少陰榮也在內踝之前大骨之下陷者中血絡盛則泄

之其刺可入同身寸之三分留三呼若灸者可灸三壯復溜足少陰經也在內踝上同身寸之二寸陷者中刺

可入同身寸之三分留三呼若灸者可灸五壯

帝曰刺未并柰何岐伯曰即取

之無中其經邪所乃能立虛

不求穴俞而直取居邪之處故云即取之新校正

云按甲乙經邪所作以去其邪

帝曰善余已聞虛實之形不知其何以

生岐伯曰氣血以并陰陽相傾氣亂於衛血逆於經血

氣離居一實一虛

衛行脉外故氣亂於衛血行經內故血逆於經血氣不和故一虛一實

血并於陰氣并於陽故為驚狂

氣并於陽則陽氣外盛故為驚狂

血并

於陽氣并於陰乃為炁中

氣并於陰則陽氣內盛故為熱中炁熱也

血并於

上氣并於下心煩惋善怒血并於下氣并於上亂而喜

忘

上謂禹上
下謂禹下

帝曰血并於陰氣并於陽如是血氣離居

何者為實何者為虛歧伯曰血氣者喜溫而惡寒寒則

泣不能流溫則消而去之

泣謂如雪在水中凝住而不行去也

是故氣之

所并為血虛血之所并為氣虛

氣并於血則血少故血虛血并於氣則氣少故

氣虛帝曰人之所有者血與氣耳今夫子乃言血并為虛

氣并為虛是無實乎歧伯曰有者為實無者為虛

氣并于血

則血无血并
於氣則氣无

故氣并則無血血并則無氣今血與氣相

失故為虛焉

氣并于血則血失其氣血并于氣則氣失其血故曰血與氣相失

絡之與

孫脉俱輸於經血與氣并則為實焉血之與氣并走於上則為大厥厥則暴死氣復反則生不反則死帝曰實者何道從來虛者何道從去虛實之要願聞其故岐伯曰夫陰與陽皆有俞會陽注於陰陰滿之外陰陽勻平以充其形九候若一命曰平人

平人謂平和之人

夫邪之生也

或生於陰或生於陽其生於陽者得之風雨寒暑其生

於陰者得之飲食居處陰陽喜怒帝曰風雨之傷人柰何岐伯曰風雨之傷人也先客於皮膚傳入於孫脉孫

脉滿則傳入於絡脉絡脉滿則輸於大經脉血氣與邪

并客於分腠之間其脉堅大故曰實實者外堅充滿不

可按之按之則痛帝曰寒濕之傷人柰何岐伯曰寒濕

之中人也皮膚不收

新校正云按全元起云不收不仁也甲乙經及太素云皮膚收無不

字肌肉堅緊榮血泣衛氣去故曰虛虛者聶辟氣不足

按之則氣足以溫之故快然而不痛

聶謂聶驥辟謂辟也新校正云

按甲乙經作攝辟太素作攝辟

帝曰善陰之生實柰何

實謂邪氣盛也

岐伯曰

喜怒不節則陰氣上逆上逆則下虛下虛則陽氣走之

故曰實矣

新校正云按經云喜怒不節則陰氣上逆疑刺喜字

帝曰陰之生虛柰

何

虛謂精氣奪也

岐伯曰喜則氣下悲則氣消消則脉虛空因

寒飲食寒氣熏滿

新校正云按甲乙經作動藏

則血泣氣去故曰虛

矣帝曰經言陽虛則外寒陰虛則內熱陽盛則外熱陰

盛則內寒余已聞之矣不知其所由然也

經言謂上古經言也

岐

伯曰陽受氣於上焦以溫皮膚分肉之間令寒氣在外

則上焦不通上焦不通則寒氣獨留於外故寒慄

慄謂振慄

也帝曰陰虛生內熱奈何岐伯曰有所勞倦形氣衰少

穀氣不盛上焦不行下脘不通

新校正云按甲乙經作下焦不通

胃氣

熱熱氣熏胃中故內熱

甚用其力致勞倦也貧役不食故穀氣不盛也

帝曰陽

盛生外熱奈何岐伯曰上焦不通利則皮膚緻密腠理

閉塞玄府不通

新校正云按甲乙經及太素无玄府二字

衛氣不得泄越故

外熱

外傷寒毒內薄諸陽寒外盛則皮膚收皮膚收則腠理密故衛氣稽聚无所流行矣寒氣外薄陽氣

內爭積火內燭故生外熱也

帝曰陰盛生內寒奈何岐伯曰厥氣上

逆寒氣積於胃中而不寫不寫則溫氣去寒獨留則血

凝泣凝則脉不通

新校正云按甲乙經作廢理不通

其脉盛大以瀉故

中寒

溫氣謂陽氣也陰逆內滿則陽氣去于皮外也

帝曰陰與陽并血氣以并

病形以成刺之柰何歧伯曰刺此者取之經隧取血於

營取氣於衛用形哉因四時多少高下

營主血陰氣也衛主氣陽氣也

夫行鍼之道必先知形之長短骨之廣狹備三備法通計身形以施分寸故曰用形也四時多少高下具在下

篇

帝曰血氣以并病形以成陰陽相傾補寫柰何歧伯

曰寫實者氣盛乃內鍼鍼與氣俱內以開其門如利其

戶鍼與氣俱出精氣不傷邪氣乃下外門不閉以出其疾搖大其道如利其路是謂大寫必切而出大氣乃屈

言欲開其穴而泄其氣也切謂急也言急出其鍼也鍼解論曰疾而徐則虛者疾出鍼而徐按之也大氣謂大邪氣也屈謂遲屈也帝曰補虛柰何岐伯曰持鍼勿置以定其意

候呼內鍼氣出鍼入鍼空四塞精無從去方實而疾出

鍼氣入鍼出熱不得還閉塞其門邪氣布散精氣乃得

存動氣候時

新校正云按甲乙經作動無後時

近氣不失遠氣乃來是

謂追之

言但密閉穴俞勿令其氣散泄也近氣謂已至之氣速氣謂未至之氣也欲動經氣而為補補

者皆必候水刺氣之所在而刺之是謂得時而調之
追言補也鍼經曰追而濟之安得無實則此謂也 帝

曰夫子言虛實者有十生於五藏五藏五脉耳夫十二

經脉皆生其病

新校正云按甲乙經云皆生百病太素同

今夫子獨言五藏

夫十二經脉者皆絡三百六十五節節有病必被經脉

經脉之病皆有虛實何以合之岐伯曰五藏者故得六

府與為表裏經絡支節各生虛實其病所居隨而調之

從其左右經氣支節而調之

病在脉調之血

脉者血之府脉實血實脉虛血虛由此脉病而

調之血也

新校正云按全元起本及甲乙經云病在血調之脉

病在血調之絡

血病則絡

脉易故調之於絡也病在氣調之衛衛主氣故氣病而調之衛也病在肉調之

分肉候寒熱而取之病在筋調之筋刺熨之病在骨調之骨

察輕重而調之燔鍼劫刺其下及與急者調筋法也筋急則燒鍼而劫刺之病

在骨燔鍼藥熨調骨法也燔鍼火鍼也病不知所痛兩蹠為上兩蹠

謂陰陽蹠脉陰蹠之脉出於照海陽蹠之脉出於申脉申脉在足外踝下陷者中容木甲新校正云按刺腰

痛注云在踝下五分刺可入同身寸之三分留六呼若灸者可灸三壯照海在足內踝下刺可入同身寸之

四分留六呼若灸者可灸三壯身形有痛九候莫病則繆刺之無病也莫病謂

繆刺者刺絡脉左痛在於左而右脉病者巨刺之巨刺者刺

經脉脉左痛刺
右古痛刺左

必謹察其九候鍼道備矣

黃帝內經素問卷十七

黃帝內經素問卷十七音釋

調經論隧

音殮

孫燔

音煩

黃帝內經素問卷十七音釋

謹案卷十五第一頁後七行陽主外陰主內按吳
崐本此六字移在上文諸經皆然之上

第四頁前二行此皆常色謂之無病按吳崐本此
八字移在上文寒多則凝泣之上

第六頁後四行刺可入同身寸之四分按刺瘡論
注四分作三分

第十頁前七行崑崙在足外踝後跟骨上刊本跟
訛跣據刺腰痛論注改

第十二頁前七行刺可入同身寸之三分刊本闕
三字據刺熱論注補

第十三頁後三行橫去任脉各同身寸之六寸刊
本闕去字據刺熱論注補

第十七頁前八行盲門志室胞育刊本兩育字並
訛作育據後文及水熱穴論注改

第十八頁前五行相去及刺如肺俞法刊本脫刺
字據下文增

第十九頁後五行刺禁注刊本注訛詳今改

第二十一頁前四行刺可入同身寸之三分刊本
脫可字據前後文增

第二十一頁後七行後八行又有氣戶庫房屋翳
刊本庫訛軍翳訛一據張志聰本引此注及下
文改

第二十三頁前一行留七呼刊本呼訛若據前後
文改

第二十五頁前五行按氣穴論中刊本論中訛作
俞也今改

第二十六頁後三行故云餘一穴今亡也刊本缺
一字據上文補

第二十九頁後二行育俞刊本育訛腎又俠巨關
兩傍刊本闕訛關並據李時珍奇經八脉考改
卷十六第四頁前四行循髀樞刊本髀訛滑據靈

樞經改

第七頁後五行如患人之年數也刊本年數作午
以據吳崐本引此注改

第八頁後六行刺可入同身寸之三寸刊本三字
脫據氣穴論注增又足陽明跗上動脈灸之刊
本足上行一字據張志聰及吳崐本刪

第九頁後五行腎者胃之關也刊本關訛開據張
志聰高世栻吳崐三家本改

第十二頁前五行相去及刺灸分壯法如胃倉按

此則是灸三壯也甲乙經及氣府論注俱作灸

三十壯

第十三頁前八行所謂腎脉之下行刊本脉訛經
據經文改

第十四頁後六行上星留六呼刊本星訛骨據上
文改

第十五頁後八行在三里下同身寸之三寸按氣
穴論注云在橫鼻下同身寸之六寸蓋上廉在

三里下三寸三里又在犢鼻下三寸故彼此互異

卷十七第三頁後四行氣有餘不足奈何刊本脫氣字據張志聰及吳崐本增

第九頁前二行凝則脉不通按吳崐本凝字下有泣字

第十頁前六行經絡支節按張志聰本絡作脉第十頁後三行燭鍼劫刺其下按吳崐本此句上

有病在筋三字

總校官候補中書臣吳紹濬

校對官檢討臣王鍾健

謄錄監生臣趙之璧

欽定四庫全書薈要

子部

內經素問卷十八

九



詳校官主事臣陳木

黃帝內經素問卷十八

唐王冰次注

宋林億等校正

繆刺論

四時刺逆從論

標本病傳論

繆刺論篇第六十三

新校正云按全元起本在第二卷

黃帝問曰余聞繆刺未得其意何謂繆刺

繆刺言所刺之穴應用如

紀也紕繆綱

岐伯對曰夫邪之客於形也必先舍於皮毛留

而不去入舍於孫脉留而不去入舍於絡脉留而不去

入舍於經脉內連五藏散於腸胃陰陽俱感五藏乃傷

此邪之從皮毛而入極於五藏之次也如此則治其經

焉今邪客於皮毛入舍於孫絡留而不去閉塞不通不

得入於經流溢於大絡而生奇病也

病在血絡是謂奇邪
新校正云按

全元起云大絡十五絡也

夫邪客大絡者左注右右注左上下左右

與經相干而布於四末其氣無常處不入於經俞命曰

繆刺

四末謂四支也

帝曰願聞繆刺以左取右以右取左柰何

其與巨刺何以別之歧伯曰邪客於經左盛則右病右

盛則左病亦有移易者

新校正云按甲乙經作病易且移

左痛未已而

右脉先病如此者必巨刺之必中其經非絡脉也

先病者謂

彼痛未止而此先病以承之

故絡病者其痛與經脉繆處故命曰繆

刺

絡謂正經也

正經之傍支非正別也亦兼公孫飛揚等之別新校正云按王氏云非正別也按本論邪客

足太陰絡令人腰痛注引從髀合陽明上絡噬貫舌中乃太陰之正也亦是兼脉之正安得謂之作正別也

帝曰願聞繆刺柰何取之何如歧伯曰邪客於足少陰

之絡令人卒心痛暴脹胃脇支滿

以其絡支別者並正經從腎上貫肝膈走

於心包故邪客之則病如是

無積者刺然骨之前出血如食頃而已

然骨之前然谷穴也在足內踝前起大骨下陷者中足少陰榮也刺可入同身寸之三分留三呼若灸者可灸

三壯刺此多見血令人立飢欲食

不已左取右右取左

言痛在左取之右痛在右取之

左餘如此例

病新發者取五日已

素有此病而新發先刺之五日乃盡已

邪客

於手少陽之絡令人喉痺舌卷口乾心煩臂外廉痛手

不及頭

以其脈循手表出臂外上肩入缺盆布膈中散絡心包其支者從膈中上出缺盆上項又心主

其舌故病如是

刺手中指次指爪甲上去端如韭葉各一痛

謂關

衝穴少陽之井也刺可入同身寸之一分留三呼若灸者可灸三壯左右手皆刺之故言各一痛痛瘡也新

校正云按甲乙經關衝穴出手小指次指之端今言中指者誤也

壯者立已老者有頃

已左取右右取左此新病數日已邪客於足厥陰之絡

令人卒疝暴痛

以其絡去內踝上同身寸之五寸別走少陽其支別者循脛上臍結於臆故今

人卒疝暴痛

刺足大指爪甲上與肉交者各一痛

謂大

足大指之端去爪甲角如韭葉厥陰之井也刺可入同身寸之三分留七呼若灸者可灸三壯

男子立

已女子有頃已左取右右取左邪客於足太陽之絡令

人頭項肩痛

以其經之正者從腦出別下項支別者從內左右別下又其絡自足上行循背上

頭故頭項痛也

新校正云按甲乙經云其支者從巔入絡腦還出別下項王氏云經之正者正當作支

刺足小指爪甲上與肉交者各一痛立已

謂至陰穴太陽之井也刺

可入同身寸之一分留五呼若灸者可灸三壯

新校正云按甲乙經云在足小指外側去爪甲角如韭葉

不已刺外踝下三痛左取右右取左如食頃已

謂金門穴足太

陽部也在外踝下刺可入同身寸之三分若灸者可灸三壯

邪客於手陽明之絡令

人氣滿胷中喘息而支脰胷中熱

以其經自肩端入缺盆絡脉其支別者從

缺盆中直而上頭故病如是

刺手大指次指爪甲上去端如韭葉各

一痛左取右右取左如食頃已

謂商陽穴手陽明之井也刺可入同身寸之一

分留一呼若灸者可灸一壯 新校正云按甲乙經云商陽在手大指次指內側去爪甲角如韭葉 邪客

於臂掌之間不可得屈刺其踝後

新校正云按全元起云是人手之本節踝

也 先以指按之痛乃刺之以月死生為數月生一日一

痛二日二痛十五日十五痛十六日十四痛

隨日數也月半已前

謂之生月半以後謂之死虧滿而異也

邪客於足陽蹻之脉令人目痛從

內眥始

以其脉起於足上行至頭而屬目內眥故病令人目痛從內眥始也何以明之八十一難經曰

陽蹻脉者起於跟中循外踝上行入風池鍼經曰陰蹻脉入軌屬目內眥合於太陽陽蹻而上行尋此則至於目內眥也 刺外踝之下半寸所各二痛 謂申脉穴陽蹻之所生也 在外踝下陷者

中容爪甲刺可入同身寸之三分留六呼若灸者可灸三壯新校正云詳刺腰痛注云外踝下五分左

刺右右刺左如行十里頃而已人有所墮墜惡血留內

腹中滿脹不得前後先飲利藥此上傷厥陰之脉下傷

少陰之絡刺足內踝之下然骨之前血脉出血此少陰之絡也

新校正云詳血脉出血脉字疑是絡字刺足跗上動脉謂衝陽穴胃之原也刺可入同身寸

之三分留十呼若灸者可灸三壯主不已刺三毛上各

一痛見血立已左刺右右刺左謂大敦穴厥陰之井也善悲驚不

樂刺如右方善悲驚不樂亦如上法刺之邪客於手陽明之絡令人

耳聾時不聞音

以其經支者從缺盆上頸貫頰又其絡支別者入耳會於宗脈故病令人耳聾

時不聞聲刺手大指次指爪甲上去端如韭葉各一痛立聞

亦同前商陽穴不已刺中指爪甲上與肉交者立聞

謂中衝穴

井也在手中指之端去爪甲如韭葉陷者中刺可入同身寸之一分留三呼若灸者可灸三壯古經脫簡無絡可尋之恐是刺小指爪甲上與肉交者也何以言之下文云手少陰絡會於耳中也若小指之端是謂少衝手少陰之井刺可入同身寸之一分留一呼若灸者可灸一壯新校正云按王氏云恐是小指爪甲上少衝穴按甲乙經手心主之正上循喉嚨出耳後合少陽完骨之下如是則安得不刺中衝而疑為少衝也其不時聞者不可刺也

不時聞者絡氣已絕故不可刺

耳中生風者亦刺之

如此數左刺右右刺左凡痺往來行無常處者在分肉

間痛而刺之以月死生為數用針者隨氣盛衰以為痛

數針過其日數則脫氣不及日數則氣不寫左刺右右

刺左病已止不已復刺之如法

言所以約月死生為數者何以隨氣之盛衰也

月生一日一痛二日二痛漸多之十五日十五痛十六

日十四痛漸少之

如是刺之則無過數無不及也

邪客於足陽明之經

令人執衄上齒寒

以其脉起於鼻交頤中下循鼻外入上齒中運出俠口環唇下交承漿却

循頤後下廉出大迎循頰車上耳前故病令人執衄上齒寒也復以其脉左右交於面部故舉經脉之病以明

繆處之類故下文云新校正云按全元起本與甲乙經陽明之經作陽明之絡刺足中指次

指爪甲上與肉交者各一痛左刺右右刺左

中當為大亦傳寫中

大之誤也據靈樞經孔穴圖經中指次指爪甲上無穴當言刺大指次指爪甲上乃厲兌穴陽明之井不當更有次指二字也厲兌者刺可入同身寸之一分留一呼若灸者可灸一壯新校正云按甲乙經云刺足中指爪甲上無次指二字蓋以大指次指為中指義與王注同下文云足陽明中指爪甲上亦謂此穴也厲兌在足大指次指之端去爪甲角如韭葉邪客於足少陽之絡令人脇痛不得

息欬而汗出

以其脉支別者從目銳眦下大迎合手少陽於頰下加頰車下頸合缺盆以下胃中

貫膈絡肝膽循脇故令人脇痛欬而汗出

刺足小指次指爪甲上與肉交者

各一痛

謂竅陰穴少陽之井也刺可入同身寸之一分留一呼若灸者可灸三壯 新校正云按甲乙

經竅陰在足小指次指之端去爪甲角如韭葉

不得息立已汗出立止欬者溫

衣飲食一日已左刺右右刺左病立已不已復刺如法

邪客於足少陰之絡令人噎痛不可內食無故善怒氣

上走贲上

以其經支別者從肺出絡心注胃中又其正經從腎上貫肝膈入肺中循喉嚨俠舌本故

病令人噎乾痛不可內食無故善怒氣上走贲上也贲謂氣奔也 新校正云詳王注以贲上為氣奔者非按

難經胃為贲門楊玄操云贲膈也是氣上走膈上也經既云氣上走安得更以贲為奔上之解邪

刺足

下中央之脉各三痛凡六刺立已左刺右右刺左

謂湧泉穴

少陰之井也在足心陷者中屈足踰指宛宛中刺
可入同身寸之三分留三呼若灸者可灸三壯

噤中

腫不能內唾時不能出唾者刺然骨之前出血立已左

刺右右刺左

亦足少陰之絡也以其絡並大經循喉嚨故
爾刺之此二十九字本錯簡在邪客手足

少陰太陰足陽明之絡前今遷於此
注以其絡並大經循喉嚨差互按甲乙經足少陰之絡
並經上走心包少陰之經循喉嚨今王氏
之注經與絡交互當以甲乙經為正也

邪客於足太

陰之絡令人腰痛引少腹控眇不可以仰息

足太陰之絡從解合

陽明上貫尻骨中與厥陰少陽結於下髀而循尻骨內
入腹上絡噤貫舌中故腰痛則引少腹控於眇中也眇
謂季脇下之空軟處也受邪氣則絡拘急故不可以仰
伸而喘息也刺腰痛篇中無息字

新校正云詳王注

云足太陰之絡按甲乙經乃太陰之刺腰尻之解兩脾
正非絡也王氏謂之絡者未詳其旨

之上是腰俞以月死生為痛數發鍼立已左刺右右刺

左 脊尻骨間曰解當中有腰俞刺可入同身寸之二寸
新校正云按氣府論注作二分刺熱論注作二分

水穴篇注作二分熱穴篇注作二寸甲乙經作二寸
留七呼主與經同中腧孔穴經云左取右右取左穴當

中不應爾也次腰下俠尻有骨空各四皆主腰痛下髀
主與經同是足太陰厥陰少陽所結刺可入同身寸之

二寸留十呼若灸者可灸三壯脾謂兩髀脾也腰俞髀
脾皆當取之也新校正云按此邪客足太陰之絡并

刺法一項已見刺腰痛篇中彼注甚詳此特多是腰俞
三字耳別按全元起本舊無此三字王氏頗知腰俞無

左右取之理而注之而邪客於足太陽之絡令人拘攣
不知全元起本舊無

背急引脇而痛

以其經從踝內左右別下貫脾合膈中故病令人拘攣背急引脇而痛 新校

正云按全元起本及甲乙經引脇而痛下更云內引心而痛

刺之從項始數脊椎俠

脊疾按之應手如痛刺之傍三痛立已

從項始數脊椎者謂從大椎數

之至第二椎兩傍各同身寸之一寸五分內循脊兩傍按之有痛應手則邪客之處也隨痛應手深淺即而刺之邪客在脊骨兩傍故言刺之傍也 邪客於足少陽之絡令人留於樞中

痛髀不可舉

以其經出氣街繞髀際橫入髀廉中故痛令人留於髀樞後痛解不可舉也樞謂髀

也刺樞中以毫鍼寒則久留鍼以月死生為數立已

樞解

之後則環銑穴也正 在髀樞後故言刺髀樞後也環銑者足少陽脉氣所發刺可入同身寸之一寸留二十呼

若灸者可灸三壯毫鍼者第七鍼也新校正云按甲乙經環跳在髀樞中氣穴論云在兩髀厭分中此經云

刺樞中而王氏以為治諸經刺之所過者不病則繆刺

之正言也經不病則邪在絡故繆刺之若經所過有病是則經病不當繆刺矣耳聾刺手陽

明不已刺其通脉出耳前者手陽明謂前手大指次指去端如韭葉者也是謂商

陽據中諸孔穴圖經手陽明脉中商陽合谷陽谿偏歷四穴並主耳聾今經所指謂前商陽不謂此合谷等穴

也耳前通脉手陽明脉正當聽會之分齒齲刺手陽明

不已刺其脉入齒中立已據甲乙流注圖經手陽明脉中商陽二關三關合谷陽谿

偏惡溫留七穴並主齒痛手陽明脉貫頰邪客於五藏

之間其病也脉引而痛時來時止視其病繆刺之於手

足爪甲上

各刺其并左取右右取左

視其脉出其血間日一刺一刺

不已五刺已

有血脉者則刺之如此數

繆傳引上齒齒脣寒痛視其

手背脉血者去之

若病繆傳而引上齒齒脣寒痛者刺手背陽明絡也

足陽明中

指爪甲上一痛手大指次指爪甲上各一痛立已左取

右右取左

謂第二指屬兌穴也手大指次指謂商陽穴手陽明井也鍼經曰齒痛不惡清飲取足陽

明惡清飲取手陽明

新校正云詳前文邪客足陽明刺中指次指爪甲上是誤刺次指二字當如此只言中

指爪甲上乃是也

邪客於手足少陰太陰足陽明之絡此五絡

皆會於耳中上絡左角

手少陰真心脉足少陰腎脉手少陰肺脉足太陰脾脉足陽明

胃脉此五絡皆會於耳中而出絡左額角也

五絡俱竭令人身脉皆動而形

無知也其狀若尸或曰尸厥

言其卒胃悶而如死尸身脉猶如常人而動也然陰

氣盛於上則下氣熏上而邪氣逆邪氣逆則陽氣亂陽氣亂則五絡閉結而不通故其狀若尸也以是從厥而

生故或曰尸厥刺其足大指內側爪甲上去端如韭葉

謂隱白穴足太

陰之井也刺可入同身寸之一分留三呼若灸者可灸三壯

後刺足心

謂涌泉穴足少陰之井也

刺同前取涌泉穴法後刺足中指爪甲上各一痛

謂第二指足陽明之井也刺同

前取厲兌穴法後刺手大指內側去端如韭葉

謂少商穴手太陰之井也刺可

入同身寸之一分留三呼若灸者可灸三壯

後刺手心主

謂中衝穴手心主之井也刺可入同

身寸之一分留三呼若灸者可灸一壯新校正云按甲乙經不刺手心主詳此五絡之數亦不及手心主而

此刺之是有六絡未會王冰相隨注之不為明辨之旨也**少陰銳骨之端各一盾立**

已謂神門穴在掌後銳骨之端陷者中手少陰之俞也刺可入同身寸之三分留三呼若灸者可灸三壯

不已以竹管吹其兩耳

言使氣入耳中內助五絡令氣復通也當內管入耳以手密撼

之勿令氣泄而極吹之氣感然從絡脉通也**新校正**
云按陶隱居云吹其左耳極三度復吹其右耳三度也

髻其左角之髮方一寸燔治飲以美酒一杯不能飲者

灌之立已

左角之髮是五絡血之餘故髻之燔治飲之以美酒也酒者所以行藥勢又灸上而內走

於心心主脉故以美酒服之

凡刺之數先視其經脉切而從之審其

虛實而調之不調者經刺之有痛而經不病者繆刺之因視其皮部有血絡者盡取之此繆刺之數也

四時刺逆從論篇第六十四

新校正云按厥陰有餘至筋急目痛全元起本在第十

六卷春氣在經脉至篇末全元起本在第一卷

厥陰有餘病陰痺

痺謂痛也陰謂寒也有餘謂厥陰氣盛滿故陰發於外而為寒痺新校

正云詳王氏以痺為痛未通

不足病生熱痺

陰不足則陽有餘故為熱痺

滑則病

孤疝風瀋則病少腹積氣

厥陰脉循股陰入髦中環陰器抵少腹又其絡支別者循

脛上聳結於莖故為狐疝少腹積氣也
新校正云按楊上善云狐夜不得尿日出方得人之所病與狐同故

曰狐疝一曰狐疝謂三焦孤府為疝故曰狐疝
少陰有餘病皮痺隱軫不足病

肺痺
腎水逆連於肺母故也足少陰脉從腎上貫肝
滑

則病肺風疝瀼則病積澼血
以其正經入肺貫腎絡膀胱故為肺疝及積澼血也

太陰有餘病肉痺寒中不足病脾痺
脾主肉故如是
滑則病脾

風疝瀼則病積心腹時滿
太陰之脉入腹屬脾絡胃其支別者復從胃別上膈注心

中故為脾疝
陽明有餘病脉痺身時熱不足病心痺
胃

餘則上歸於心不足
滑則病心風疝瀼則病積時善驚
則心下痺故為是

心主之脉起於胃中出屬心包下
馬歷絡三焦故為心疝時善驚

太陽有餘病骨痺身

重不足病腎痺

太陽與少陰為表裏故有餘不足皆病歸於腎也

滑則病腎風

疝瘳則病積善時巔疾

太陽之脉交於巔上入絡腦下循脊絡腎故為腎風及巔病也

少陽有餘病筋痺脇滿不足病肝痺

少陽與厥陰為表裏故病歸於脾

滑則病肝風疝瘳則病積時筋急目痛

肝主筋故時筋急厥陰之脉上

出額與督脉會於巔其支別者從目系下頰秉故目痛

是故春氣在經脉夏氣在

孫絡長夏氣在肌肉秋氣在皮膚冬氣在骨髓中帝曰

余願聞其故岐伯曰春者天氣始開地氣始泄凍解冰

釋水行經通故人氣在脉夏者經滿氣溢入孫絡受血

皮膚充實長夏者經絡皆盛內溢肌中秋者天氣始收

腠理閉塞皮膚引急

引謂牽引以縮急也

冬者蓋藏血氣在中內

著骨髓通於五藏是故邪氣者常隨四時之氣血而入

客也至其變化不可為度然必從其經氣辟除其邪除

其邪則亂氣不生

得氣而調故不亂

帝曰逆四時而生亂氣柰

何岐伯曰春刺絡脉血氣外溢令人少氣

血氣溢於外則中不足故

少氣

新校正云按自春刺絡脉至今人目不明與診要經終論義同文異彼注甚詳於此彼分四時此分五

時然此有長夏刺肌肉之分而逐時各關刺秋
分之事疑此肌肉之分即彼秋皮膚之分也
春刺肌

肉血氣環逆令人上氣

血逆氣上故上氣
正云按經關春刺秋分

春刺

筋骨血氣內著令人腹脹

內著不散故脹

夏刺經脉血氣乃竭

令人解休

血氣竭少故解休然不可名之也解休謂寒
不寒熱不熱壯不壯弱不弱故不可名之也

夏刺肌肉血氣內却令人善恐

却閉也血氣內閉則
陽氣不通故善恐

夏

刺筋骨血氣上逆令人善怒

血氣上逆則怒

氣相應故
新校正云按經關

秋刺經脉血氣上逆令人善忘

血氣上逆滿於
肺中故善忘

秋

刺絡脉氣不外行

新校正云按別本作血氣不行
全元起本作氣不衛外太素同

令人

卧不欲動

以虛甚故按經關秋刺長夏分

新校正云

秋刺筋骨血氣內散

令人寒慄

血氣內散則中氣虛故寒慄

冬刺經脉血氣皆脫令人目

不明

以血氣無所營故也

冬刺絡脉內氣外泄留為大痺冬刺肌

肉陽氣竭絕令人善忘

陽氣不壯至春而竭故善忘新校正云按經關冬刺秋分

凡

此四時刺者大逆之病

新校正云按金元起本作六經之病

不可不從也

反之則生亂氣相淫病焉

淫不次也不次而行如浸淫相染而生病也

故刺

不知四時之經病之所生以從為逆正氣內亂與精相

薄必審九候正氣不亂精氣不轉

不轉謂不逆轉也

帝曰善刺

五藏中心一日死其動為噫

診要經終論曰中心者環死刺禁論曰一日死其動

為噫中肝五日死其動為語

診要經終論曰中肝五日死其動為語

甲乙經語作欠中肺三日死其動為欬

診要經終論曰

中肺五日死刺

禁論曰中肺三日死其動為欬

中腎六日死

新校正云按甲乙經作三日死

其動為噦

欠診要經終論曰中腎七日死刺禁論曰中腎六日死其動為噦

新校正云按甲乙經無欠字

中脾

十日死

新校正云按甲乙經作十五日

其動為吞

診要經終論曰中脾五日死刺禁論曰中

脾十日死其動為吞然此三論皆歧伯之言而死日動變不同傳之誤也

刺傷人五藏必死

其動則依其藏之所變候知其死也

變謂氣動變也中心下至此並為逆

從重
文也

標本病傳論篇第六十五

新校正云按全元起本
在第二卷皮部論篇前

黃帝問曰病有標本刺有逆從奈何岐伯對曰凡刺之
方必別陰陽前後相應逆從得施標本相移故曰有其
在標而求之於標有其在本而求之於本有其在本而
求之於標有其在本而求之於本故治有取標而得者
有取本而得者有逆取而得者有從取而得者

得病之
情知治

大體則逆從皆
可施必中焉

故知逆與從正行無間知標本者萬舉

萬當

道不疑惑識既深明則無問於人正行皆當

不知標本是謂妄行

蓋猶

道未高深舉且見違故行多妄

夫陰陽逆從標本之為道也小而大言

一而知百病之害

著之至也言別陰陽知逆順法明著見精微觀其所舉則小尋其所利則

大以斯明著故言一而知百病之害

少而多淺而博可以言一而知百也

言少可以貫多舉淺可以料大者何法之明故非聖人之道孰能至於是耶故學之者猶可以言一而知百病

也博

以淺而知深察近而知遠言標與本易而勿及

雖

極深玄人非咫尺畧以淺近而悉貫之然標本之道雖易可為言而世人識見無能及者

治反為逆治

得為從先病而後逆者治其本先逆而後病者治其本

先寒而後生病者治其本先病而後生寒者治其本先
熱而後生病者治其本先熱而後生中滿者治其標先
病而後泄者治其本先泄而後生他病者治其本必且
調之乃治其他病先病而後生中滿者治其標先中滿
而後煩心者治其本人有客氣有同氣

新校正云按全元起本同作固

小大不利治其標小大利治其本

本先病標後病必謹察之

病發而

有餘本而標之先治其本後治其標病發而不足標而

本之先治其標後治其本

本而標之謂有先病復有後病也以其有餘故先治其本

後治其標也標而本之謂先發輕微緩者後發
重大急者以其不足故先治其標後治其本也謹察間

甚以意調之

間謂多也甚謂少也多謂多形證而輕易少謂少形證而重難也以意調之謂審量

標本不足有餘非謂捨法而以意妄為也

聞者并行甚者獨行先小大不利

而後生病者治其本

并謂他脉共受邪氣而合病也獨謂一經受病而无異氣相參也并

甚則相傳傳急則亦死

夫病傳者心病先心痛

藏真通於心故心先痛

一日

而欬

心火勝金傳於肺也肺在變動為欬故爾

三日脇支痛

肺金勝木傳於肝也以其脉循

脇肋故如是

五日閉塞不通身痛體重

肝木勝土傳於脾也脾性安鎮木氣乘之

故閉塞不通身痛體重

三日不已死

以勝相伐唯弱是從五藏四陽豈其能久故為即死

冬

夜半夏日中

謂正子午之時也或言冬夏有異非也晝夜之半事甚昭然新校正云按靈樞經

夫氣入藏病先發於心一日而之肺三日而之肝五日而之脾三日不已死冬夜半夏日中甲乙經曰病先發

於心心痛一日之肺而歎三日之肝肋支痛五日之脾閉塞不通身病體重三日不已死冬夜半夏日中詳素

問言其病靈樞言其藏甲乙經乃并素肺病喘欬藏真問靈樞二經之文而病與藏兼舉之

肺而主息三日而脇支滿痛肺傳一日身重體痛肝傳故喘欬也

五日而脹自傳十日不已死冬日入夏日出孟冬之中日入於申

之八刻三分仲冬之中日入於申之七刻三分季冬之中日入於申與孟月等孟夏之中日出於寅之八刻一

分仲夏之中日出於寅七刻三分季夏之中日出於寅與孟月等也肝病頭目眩脇支滿

藏真散於肝脉內
連目脇故如是

三日體重身痛

肝傳於肺

五日而脹

自傳於府

三日腰脊少腹痛脛痠

謂胃傳於腎以其脉起於足循脛內出臍內廉上股內後廉貫

脊屬腎絡膀胱故如是也腰為腎之府故腰痛

三日不已死冬日入

新校正云按甲乙經

作日

夏早食

日入早晏如冬法也早食謂早於食時則卯正之時也

脾病身痛體

重

藏真濡於脾而主肌肉故爾

一日而脹

自傳於府

二日少腹腰脊痛脛

痠

胃傳於腎

三日背脇筋痛小便閉

自傳於府及之脇也

十日不已死

冬人定夏晏食

人定謂申後二十五刻晏食謂寅後二十五刻

腎病少腹腰脊

痛

藏真下於腎故如是

三日背脇筋痛小便閉

自傳於府新校正云按

靈樞經云之胆膀胱是自傳於府及之胆也

三日腹脹

膀胱傳於小腸新校正云按甲乙經云

三日上之心脈

三日兩脇支痛

府傳於藏新校正云按靈樞經云三日之小腸三日上

之心今云兩脇支痛是小腸府傳心藏而發痛也

三日不已死冬大晨夏晏晡

大晨謂寅後九刻大明之時也晏晡謂申後九刻向昏之時也

胃病脹滿

以其脉循腹故如是

五

日少腹腰痛筋痠

胃傳於腎

三日背胆筋痛小便閉

自傳於府

及之**五日身體重**

膀胱水府傳於脾也靈樞經云及甲乙經各云五日上之

新校正云按

心是膀胱傳心為相勝而身體重今王氏言傳脾者誤也

六日不已死冬夜半後夏

日昃

夜半後謂子後八刻丑正時也日昃謂午後八刻未正時也

膀胱病小便閉

其

為津液之府故爾

五日少腹脹腰脊痛筋痠

自歸於藏

一日腹脹

腎復

傳於小腸一日身體痛

小腸傳於脾云一日上之心是府傳於藏也

新校正云按靈樞經甲乙

經作之脾與王注同

二日不已死冬雞鳴夏下晡

雞鳴謂早雞鳴丑正之分也下

晡謂日下於晡時申之後五刻也

諸病以次是相傳如是者皆有死期

不可刺

五藏相移皆如此有緩傳者有急傳者緩者或一歲二歲三歲而死其次或三月若六月而死

急者一日二日三日四日或五六日而死則此類也尋此病傳之法皆五行之氣考其日數理不相應夫以五

行為紀以不勝之數傳於所勝者謂火傳於金當云一日金傳於木當云二日木傳於土當云四日土傳於水

當云三日水傳於火當云五日也若以已勝之數傳於不勝者則木三日傳於土土五日傳於水水一日傳於

火火二日傳於金金四日傳於水經之傳日似法三陰
三陽之氣玉機真藏論曰五藏相通移皆有次不治三
月若六月若三日若六日傳而當死此與同
也雖爾猶當臨病詳視日數方悉是非爾
新校正云按甲及至三四藏者乃可刺也
乙經无止字
謂開一藏止者
藏而不更傳也則謂木傳土土傳水水傳火火傳金金
傳木而止皆間隔一藏也及至三四藏者皆謂至前第
三第四藏也諸至三藏者皆是其已不勝之氣也至四
藏者皆至已所生之父母也不勝則不能為害於彼所
生則父子無剋伐之期
氣順以行故刺之可矣

黃帝內經素問卷十八

黃帝內經素問卷十八音釋

繆刺論頤

反之

齧

丘反

禹

髻

音易

標本病傳論眅

徒反

結

黃帝內經素問卷十八音釋